

# تورک یوردی

تورک اوماقاری مرکز لهیبتی طرفندره نشر اولونور

جلد ۴

کانون اول ۱۹۲۶

نومرو ۲۴

ایدیوردی . قرق قادار اوطوموبیل متادیا کویه دعوتلیلری طاشیوردی .  
 مراسمه اولجای طوق ، قیز معلم مکتبی مدیری شفیقه ، معلم پریخان ، عایشه  
 رفیقه خانم فرانساطرخان ، فخیمان ودها بر چوق خانم افندیلرله بوتون  
 اوجاقلیلر ، رؤسای مأموریر ملکیه و عسکریه ، مکتبلر مدیر معلملری ، ارکک  
 معلم مکتبی صوک صنف افندیلرله بر چوق ذوات اشتراک ایله مشلردر .  
 ساعت اون یدی ده اوطوموبیلرله شهره عودت ایدلمشدر .

\*\*\*

فیریه مهول بکک مقالسی :

## بر کشاد دوله بیسیر

آطنه تورک اوجاغنک کورکچیلرده انشا ایتدیکی مکتبک رسم کشادی تورکیه نك  
 هر طرفنده بویوک بر علاقه اویایدردی . اوجاغمز طرفندن وجوده کتیریلن بو  
 آترک مادی قیمتی ، هر هانکی بر عزمتک ، مساعینک وجوده کتیره بیله جکی مادی  
 قیمندن فضله بر شی دکلدر . یالکیز بو ایشک چوق معنالی بر قیمتی واردرکه ،  
 اوده ؛ تورک اوجاقلرینک أمل و فکر حالنده طاشیدقلری شینلرک ابدیلشمه یه  
 دوزرو کیتمکده اولسیدر .

شوراسنه هیچ کیمسه شبهه ایده مزکه ، تورک اوجاقلری و اوجاقلیلر دون  
 ناصل ملی روحک ، ملی وجدانک ایش و فعل حالنه کچمه سنه غیرت ایتمس و بونی ده  
 مطلق صورتده تأمین ایتمشلسه ، بو کونده انقلاب و جمهوریتک بوتون حقیقی  
 معناسیله تأسسنه و تمللرینی تورکیه طوپراقلرنده پایدار بر صورتده آتماسنه جانندن  
 صرف مساعی ایتمکده درلر . چونکه ملیتپرورلک ، جمهوریتچیلک بر بردن آریلدیغی  
 زمان حیاتنه امکان اولمایان برر اشدرلر . بونک ایچین اوجاقلر معنوی وارلقلرینی  
 مادی اثرلریله ده وطنک سینهنه حک ایدیورلر . آطنه اوجاغنک بو کوچوک اثری  
 بر باشلانغیج اولقله برابر بو فکرلرک قدسی و خیرلی بر علامتدر .

بو موضوع اوزرینه یازاجغمز بر چوق شیئر واردر . صره سی کلدکجه اوجاق مفکوره سنک آلماسی ایجاب ایدن یکی شکلرینه دائر فکرلریمزی سویلیه جکز .

بو وسیله ایله بزى ممنون ایدن دیگر مهم برجهت واردر . ایچمزده اک بلیغ هیجاتی طاشیدیغمز سوزلریله ، دوغریدن دوغریوه قلمزه خطاب ایدن نصیحتلریله روحزه تازه بر فضیلت و انقلاب هواسی داغیتان بویوک شاعریمز محمد امین بک افدینک موجودیتلریدر .

شاعرك بر جوق مجلسلرده ؛ کنج محفلارنده سویله دکاری سوزلری دیکله دک بو سوزلر ، بوتون بکله نیان سوزلردی .

« بن بر تورکم ، دینم ، جنسم اولودر » شعرینک مترنمی ، بو بویوک انسان انقلاب و جمهوریت دورینه یاقیشاجق انسانلرک ، کنج لرک هانکی اوصاف ، هانکی روح و ایمانی طاشیماسی ایجاب ایتدیکنی چوق و چیز سوزلرله بزه تکرار اخطار ایتدی . دییه بیلیرز که ، بر چوق کیسه لرک احتراض و شخصی قایغولر پیشنده استخفاف ایتدکاری فضیلت و فراغت روزکاری کنج روحلر اوزرنده فسونکار بر تحول و ایمان حصوله کتیردی .

حقیقی انقلابچیلر ، حقیقی ملتپرورلر فانی قایغولردن ، شخصی املاردن اوزاق قلابیلنلردر . بز او انسانه انقلابچی و جمهوریتچی دییه بیلیرز که ، شخصی املرک معناسی اونک قافاسنده ، روحنده ذره قدر بر طوتماز . بز او انسانه ملتپرور اوجاقلی دییه بیلیرز که ، قلبی یالکز بو آتشله غلیان ایدر .

بزه بو سوزلری ملی شاعریمز داها یوکسک داها عصری ترکیلر و خطابلرله ایضاح ایتدی . بزه ؛ ریایه ، حسده ، نفاقه غروره یالانه قارشى نفرت تلقین ایتدی اونک سوزلرندن آ کلاشیلان بویوک بر معناواردی : اوبزی سوزلریله تورک کنج لکنی فراغتی ، فداکار ، انقلاب اوغرنده هر درلو شخصی اندیشه لردن مصون و محفوظ کورمک ایسته یوردی . تورک کنج لکنک شاعرك ارزو ایتدیکی شکلدن باشقه بر شکلده اولماسی انقلاب ایچین تلافیسی ممکن اولمایان بر فلاکتدر . ایشته شاعر

بو فلاکتی کورمک ایسته میور متمادیاً سوزلرنده ، خطابه لرنده اصرارله وجدله ،  
قوتله بو نقطه لری اشارت ایدیوردی .

تورک کنجلیکی ملی روحله خلقه دوغرو کیده رکن آیاقلرینی پارچه لایه جق  
دیکنلر ، اوکنه چیقاجق مانعار یورو یوشلره حمله لره اصلا مانع اولمالیدر .  
خرافه و تعصبک بی آمان دوشمانی اولان کنجلیک ؛ حرصک و ریانک ده اک بویوک  
دوشمانی اولمالیدر . وطن و ملت اوغرنده یوله چیقانلر ایجابنده نفسلرینی هر  
درلومادی و معنوی ذوقلردن محروم ایدرک عزیزلر کبی یاشایاجقلردر . تورک کنجلیری  
چالیشاجق ، خلق ایده جک ، تورک ملتنی مدنی تکامل و عصری موجودیتلره  
ایصال ایده جک . بو اونک وظیفه سیدر ؛ بو وظیفه اولدینی ایچین یایلا جق مقابلنده  
مادی معنوی مکافات بکنمیه جکدر .

بویوک شاعرک سوزلرینی تأیید ایدن ایده آلیست ، کنج خطیب حقیقی بر  
اوجاقلی اوصاف و فضیلتنه مالک اولان رشید غالب بک ده جنوب کنجلیکنه  
انقلابک و جمهوریتک حقیقی مفهوم و اخلاقلرینی تلقین ابدیلر . بوتون بو جنوبده کی  
بر روحک وجودینه سبب اولدی . اوجاق مرکز هیئتک بو سیاحتلردن چوق  
شیر قازاندق . روحلر مزده بر انبساط و درین بر حظ حصوله کلدی . بو انبساط  
و حظک منبعلری تورک کنجلیکنک روحنده بر نور حالنده موجود اولان فضیلت  
و فراغتک بر قاندها تقویه ایدیلش اولماسیدر .

سوز و یازیلرک قائل و محرر لرینک ، دیکه ینلر و اوقویانلر اوزرنده چوق بویوک  
اهمیتی واردر . فضیلته حرمت ایتمه یین مرآتئ اولان ، یالان سویله یین ، سویله دیکنی  
بر قصد منفعتله اشاعه ایدن انسانلر دائماً نفرت و استکراهله قارشیلانیرلر . فقط  
فضیلته حرمتکار ، فراغتلی بر انسانک سویله دکلری و یازدقلری هر کسک اوزرنده  
مؤبد بر تأثیر بیراقیرکه او تأثیر ، روحک ، قلبک غداسیدر ، او غدا ایله انسانلر  
حیاتلرنده یول بولورلر . امللرینه واصل اولورلر . بر هفته در دیکله دیکمز صمیمی  
هر درلو حسیس منفعتلردن آزاده سسلرک قوتنده حقیقت واردی ، چونکه سویله -  
ینلر طوتدقلری ، یورودکلری یوللردن اصلا انحراف ایتمه مش ، دوغرو سوزلی  
صاغلام نوزلی انسانلردی .

شاعریمیزك شو سوزلری حالا قولاقلمزده :

« بویوك وعزیز روحلر دوشوندكلری کبی اینانیرلر، ایناندقلری کبی سویلرلر  
 مفکوره لرینك یوللارنده کندیلرینی هیج بر شی اغفال و اضلال ایدمهز ، بونلر  
 دیگر انسانلردن ایکی شیله آریلیرلر : قورقازلر ، طمع ایتزلر . »

توت بو کونکی مفکوره جی ، اوجاقلی تورك کنجلكی ملیتپرور کنجلك  
 مفکوره بی هیج بر صورتله باصاماق یاپمادن یورومه لیدر. تورك کنجلكنی انقلاب  
 وجهوریت مفهوملری اوغرنده هیج بر شی اضلال ایدمه ملیدر .

شاعرک بویوك قلبی سسنی تکرار ایدمه جکز .

— ملی روحله خلقه دوزرو ...

فقط ریاسز، حرصسز، غرورسز . ایشته او زمان تورك کنجلكی، انقلابک  
 نوز چوجنی حقی حقیله آله بیلیر .

### آطنده بولنامه لغا ارغلی احمد بلك تقدیراتی

آنقرده تورك اوجاقلری مرکز هیئتئ رئیسئ حمدالله صبحی بك افندی یه  
 یکیجه — چوقدن بری پرورده ایتدی کمز مفکوره نك آطنه کنجلكنده کی  
 تجلیاتنك ذوق وشوقیله کنجلكشهرک عودت ایدیورم . محبتله کوزلر کدن اوپرم .

اغلا ارغلی احمد